

韋承慶

賈大隱

唐璿

源直心

楊炯

張訥言

韋叔夏

韋展

蘇遊

劉審禮

朱懷隱

權無二

袁思古

竹居攷虞

全唐文

卷一百八十八之一百九十一

竹居跋

重水慶
會內院
唐瑞
孫直心
輕州
蘇詩古
章叔直
章服
蘇遜
劉富
朱懷遠
韓無二
朱至吉

全唐文
卷一百一十九

欽定全唐文卷一百八十八目錄

韋承慶

靈臺賦

枯井賦


明堂災極諫疏

上東宮啟

重上直言諫東宮啟

長孫訥言

箋注廣韻序



劉審禮

議釋道不應拜俗狀

賈大隱

駁周棕立崇先七廟議

欽定全唐文卷一百八十八

韋承慶

承慶字延休贈幽州都督思謙子舉進士補雍王府參軍
累遷太子司議郎長安初爲司僕少卿轉天官侍郎修國
史拜鳳閣侍郎同鳳閣鸞臺平章事神龍初坐附張昌宗
配流嶺表起授辰州刺史入爲祕書員外少監以修武后
實錄功封扶陽縣子又撰武后紀聖文加銀青光祿大夫
遷黃門侍郎未拜卒贈祕書監諡曰溫

靈臺賦

歲已殫夜向闌風威勁霜氣寒月斜臨於棟首河半落於
簷端心耿耿而不寐魂熒熒而未安乃振衣危坐隱几太
息繹思於今古之津佇懷於天地之域粵若天分地開古
往今來物之播焉成萬品人之生也配三才伊生人之爲
貴咸賦職於靈臺彼靈臺者含粹而起惟神所止想四大
之樞機執五成之端揆統精靈之往復括性命之終始坎
憑慧而宣聽離假明而暢視六儀竦而承尊百骸運而爲
使若眾星之拱璿極猶列國之宗玉宸夫其鼓動陶甄範
圍涵育質微用廣如土圭之準盈縮精靈 要譬灰琯之

調涼燠撫二儀之幹運必用此而休復閱庶類之區分亦
俟茲而大畜奧室資明於洞戶飛軒寄轉於輕軸靈筠挺
防露之篁孤穎秀捎雲之木其高也巍乎峻峙傑爾孤標
上千日月迴冠雲霄其深也如海之渟如淵之邃宵萬仞
兮沈以清潛九重兮隱而閼其平也周道如砥君子之夷
局其險也蜀門若劍小人之跣躅彌性場而極覽溥情圃
而環矚鮮開曠而閼凝多鬱堙而窘促萌一緒而千變兆
片機而萬觸無半刻而恬想乃終年而汨欲大木百圍而
窾窳長河九支而屈曲怒則烈火扇於衝飈喜則春露融

於朝旭懼驚懷其若墜憂結念其如束或漫漫而川浮或
迢迢而山屬繁襟霧合而烟聚單思鍼懸而縷續其驚時
也似飛蛾凌亂而投明燭其趨利也若饑鳥聯翩而爭場
栗力方躡而猶騁量已傾而未足吹劍首而眊虞韶握硃
砥而銜荆玉纖埃不讓於山阜巨海見排於井谷沈浮兮
靡定去就今多途乍排下而進上忽出有而入無轉息而
延緣萬古迴瞬而周流入區形寥寥於衽席慮森森於燕
娛乃榮乃華如馳如驅甚飛猱之躑喬木遇奔兕之逸修
衢雖杼軸而無已吾未知其所圖爾其清濁兩資臧否兼

司有縵者而密者幾附之而益之勇怯於焉競爽明晦所以相欺或外靜而中躁或情慍而顏怡或趣睽而迹偶或言信而誠疑眉睫兩連而相對山河萬重而在茲莫覩其深沈之實抱徒見其俯僂之虛姿類陰陽之不測匹神鬼之難期不可審之以權量不可卜之以蓍龜爭度長而自我各守勝而爲師設皇綱而懸帝制張地絡而舉天維雖眾條之所檢轄在斯軻而不能持徵善惡於遙祀訪賢愚於羣冊軒昊用之而司契堯舜守之而光宅湯武任之以爲王桓文仗之而作伯宏聖道者謂之周孔肆凶德者攝

爲桀跖體仁成曾史之行毓智舉良平之策六國起爭交
之端三方構鼎峙之跡政焚書而騁暴巨誦典而崇僻詬
讒胥而獲誅靳譖原而受斥軻發匣而揮匕如睨楹而抗
壁蕭朱始諧而末釁餘耳初好而終隙寵包詐而昵躬牢
蘊邪而附石究迴穴於今古鬱繽紛於載籍匪外物之所
嬰諒乃心之攸敵若乃無損無益不盈不沖湛虛明其若
鏡坦宏量其如空靜凝神而合道動應物而收功得至無
於象外垂妙有於寰中旣脗合而懸解且兼忘而大同象
罔之珠易索橐籥之用無窮入窅冥而超宇宙翔寥廓而

矯樊籠斯上聖之神理邈先幾而感通諒凡情之靡得徒
仰止於余衷至於宅義依仁棲貞履順崇禮讓之扃闥聳
溫恭之牆仞赴鯁壑而全忠處龍鄉而執信情居損而能
酌時處遯而無愠一作道在恒而不振遊書圃而撫芳挹文河而澡
潤循雅度而成則服嘉言而遣吝乃懿士之清規實吾人
之所徇持弱操而知勉飭微躬而底慎思不忤而不求絕
相靡而相刃慨投筆而長想聊綴音於末韻

枯井賦

粵若天生五材兮一不可棄水包六府兮萬人攸利汙樽

杯飲兮變其淳樸鑿井汲泉兮與其繪事六十四卦兮表
其名二十八宿兮列其位伯益創而功立重華浚而德備
故有神邱玉檻仙苑銀牀浪華浮潤醴泉味芳永康則金
精化鳥曲阜則土怪成羊感至誠於漢將通瑞氣於吳王
若乃懸緇下垂抽餅上出窮百丈之幽祕極九重之邃密
由中夏而浹外區自帝王而周庶匹接壤鄰甸駢閭比室
咸賴此以資生必待斯而養質隨大小而周用任多少而
取實環終始兮厯古今積歲時而緜月日湯七載而無減
堯九年而不溢一家曠兮靡寧寸路虛而有邱運其功兮

信廣收其利兮焉畢及夫欄傾甃毀土陷泉沈滋液中耗
汙泥上侵古桃顛顛兮無色枯桐零落兮罷陰霜霰積兮
空園冷荆棘攢兮荒徑深昔時之所趨挹疇日之所窺臨
皆指新而競往罕存舊而來尋豈唯見嗤於射鮒諒亦與
歎於無禽如使崩壞重修堙泉更渫澄汰汙滓鑒觀清冽
擬畫處之蓮房除哭者之茅經近類濟人之井遠分夏后
之穴若澗溪之始注猶泛濫之初決當給養之不窮寧酌
甘而先竭亂曰有通有塞兮道之恒時用時舍兮業方宏
疏而洩兮甘潤騰壅而竭兮汙泥增彼幽涸兮如重啟濟

窮渴兮良所能

明堂災極諫疏

文明垂拱後執政者未滿歲率以罪去大抵皆惡逆不道
夫構大厦濟巨川必擇文梓榦艘若亟毀而敗則是用朽
木乘膠船也臣謂陛下求賢之意切而取人之路寬故一
言有合而付大任夫以堯舉舜猶歷試諸艱况庸庸者可
超處輔相以百揆萬機昇小人哉

上東宮啟

臣承慶言伏以殿下國之儲貳主器承祧百姓繫心萬方

延首行一事天下所瞻出一言天下所聽動靜不可以不
慎進退不可以不思固須數引正人詢謀得失使忠言日
聞於耳善事每關於心所爲合度必自知其過如此則正
心起邪心息德業日新聲聞彌廣福祿可以長守榮位可
以久安若諂諛在側忠良不進意有所向則合詞稱善言
未出口則同聲稱美有非莫悟有過莫知便自爲神睿聰
明超絕今古驕溢之漸常必由之伏願特留睿情每存規
誡聞過必改見善必行朝夕孜孜常恐不及則邦家是賴
天下幸甚進德修業大易垂文說禮敦詩春秋所貴尚書

云念終始典于學禮云玉不琢不成器人不學不知道孔子曰吾嘗終日不食終夜不寢以思無益不如學也殿下昔在藩邸耽讀典墳論道觀書匪朝伊夕自升儲貳已厯炎涼侍讀承言稍以稀簡雖睿姿天挺神明生知器業自然非求外獎然更加研勵彌益風猷伏願數召儒生勤修學藝縑緇不離於左右披閱無捨於光陰使日知所未知月聞所未聞凡在匹夫苟能強學猶可以高取名譽坐致簪纓况殿下以儲后之尊而能留心於學德音之美固無得而稱焉矧獵馳騁敗德之源必須順動不可以盤遊無

度至於從禽逐獸絕野馳原駿足雲飛輕弧電舉當其適
意豈憚艱危無險不陵無深不赴忽然奔馬委轡猛獸逸
羣致驚駭之憂貽顛墜之患雖有所悔如何可及失以千
金之子猶且坐不垂堂況在萬國之貞豈可不思重慎殿
下初升儲位養德春闈理宜靜默自居文史爲務不可數
爲遊縱以損德音尚書云內作色荒外作禽荒酣酒嗜音
峻宇雕牆有一於此未或不亾伏願詳覽古今以爲鑒戒
殿下驅使之人每於北門召入如此等色皆是儉利小人
緣得供奉祇承自謂別蒙恩幸外則妄爲威福內則專事